



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

INDLOVULENKHULU/MASHI 2011

EMAMAKI: 80

SIKHATSI: 2 ema-awa

Leliphepha linemakhasi lali-11.

TICONDZISO KULABAHOLWAKO

1. Leliphepha lehlukaniswe tigaba LETINTSATFU:

SIGABA A: Sivisiso	(30)
SIGABA B: Sifinyeto	(10)
SIGABA C: Luhlelo Nekusetjentiswa kwelulwimi	(40)
2. Fundza tonkhe ticondziso ngekucophelela.
3. Phendvula yonkhe imibuto ngeSiswati.
4. Cala LESO NALESO sigaba ekhasini LELISHA.
5. Dwebela ekugcineni kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengoba tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisia sipelingi/lupelomagama nendlela lewakha ngayo imisho.

SIGABA A: SIVISO

UMBUTO 1

- 1.1 Fundza letheksthi lengentasi bese uphendvula imibuto lelandzelako:

Liholide sikhatsi sekukhohlwa ngemsebenti nangato tonkhe tinhlupheko. Lesikhatsi sekukhibika nekutijabulisa. Liholide lingaba litfuba lelihle lemndeni lekwenta tintfo ndzawonye. Leminye iminden iyiatsandza kuvakashela tindzawo letikhashane. Nangabe bantfu bahlala edolobheni lelikhulu batsandza kuvakashela emakhaya. Kutsi labo labahlala emakhaya bona baye kuyetitfokotisa ngetintfo letifolakala emadolobheni lamakhulu. Akunandzaba noma sikhatsi singaba sifishane.

Linyenti lebantu litsandza emaholide asehlobo. Ehlobo bantu labanyenti bayatsandza kuvakashela tichiwi tetinyamatane letifana neManyele. Leminye iminden itsatsa emaholide awo esikhatsini saKhisimusi lapho tikolo tisuke setivaliwe. Indzawo letsandvwa bantu labasekhatsi nelive kusebhishi, ngaselwandle. Batsandza kubhukusha, labanye balale esihlabatsini saselwandle bajabulele kushiywa lilanga.

Akusho lutfu kutsi umndeni uhlala kuphi, uyatfokota ngekugucuka nekuhlukana ekwenteni tintfo temihla ngemihla. Emaholide entelwe kuphula nekutijabulisa. Noma kunjalo akusibo bonkhe bantu labajabulela emaholide. Khismusi sikhatsi lesitsandzeka kakhulu lapho bantu batfokotela kuyekudla emaholide. Labanye liholide balicitsa ngekuhamba behla benyuka etikhotseni, emahlatsini nasetintsabeni. Ngesikhatsi semaholide labanye batakhela emathende madvute nemfula, khona batewutidobela tinhanti.


Emanti ayatsandzeka, tinkhulungwane ngetinkhulungwane tebantu titfolakala ngaselugwini lwelulwandle tibe tecana nemagagasi. Kubhukusha elwandle kuyatsandzeka. Kuhamba esihlabatsini selwandle kuyatsandzeka. Labanye batfolakala sebagijima lokungasho lutfu. Tibiliboco ngesikhatsi semaholide tihamba embili. Mahle emaholide ngobe asikhatsi sekujabula.

Emaholide ehlukene-ke boNgwane. Kukhona emaholide lasemtsetfweni nalawo langekho emtsetfweni. Emaholide lasemtsetfweni ngulawo latfokotelwa nguwo wonkhe umuntfu. Uma kulilanga lemsebenti labasebentako abayi emsebentini, bahlala emakhaya baphumule. Emaholide langekho emtsetfweni ngulawo lapho utfola kutsi kuyasetjentwa kepha umuntfu uyihlabilo. Phela kuyihlaba loku kusho kuhlala ungayi emsebenti.

- 1.1.1 Yini lebangela kutsi umuntfu losemakhaya avakashele emadolobheni lamakhulu? (2)
- 1.1.2 Kuhle ngani kutsi umndeni utsatse emaholide ngesikhatsi saKhisimusi? (1)
- 1.1.3 Cedzela lenkhulomo: Labanye liholide balicitsa ngekuhamba Behla benyuka etikhotseni, ..., ... nasetintsabeni. (2)

- 1.1.4 Chaza lenkhulumo: '**Kepha umuntfu uyihlabile**'. (1)
- 1.1.5 Basuke bentani bantfu labanyenti elugwini lwelwandle? (1)
- 1.1.6 Kwentani kucitsa emaholide? (1)
- 1.1.7 Yini leyentiwa tivakashi letinyenti kuze kube lula kuto kudoba tinhlanti? (2)
- 1.1.8 Uma ufundzisia indzima yekugcina, emaholide ehlukaniswe kibili. Bhala letinhlobo temaholide? (2)
- 1.1.9 Tibiliboco tikudla lokunjani?
Khetsa imphendvulo.
 A Sijabane.
 B Kudla lokumnandzi kwesilumbi.
 C Kudla lokuvunwa emasimini. (1)
- 1.1.10 Ngusiphi sichiwi setinyamatane lesivakashelwa tivakashi ehlobo?
 A Skukuza.
 B Songimvelo.
 C Manyeleti. (1)
- 1.1.11 Ibhishi yindzawo lenjani? (1)
- 1.1.12 Ngekubona kwakho ngabe kunamphumela muphi kuyihlaba? Nika emaphuzu lamabili. (2)
- 1.1.13 Iminden iwartsandzelani emaholide?
 A Sikhatsi sekulima.
 B Sikhatsi sekukhibika nekutijabulisa.
 C Sikhatsi sekuya esontfweni. (1)
- 1.1.14 Ngabe kuliciniso nobe kuliphutsa kutsi umtimba nengcondvo kuyakudzinga kuphumula? Sekela. (2)

1.2 Bukisia letheksthi lengentasi bese uphendvula imibuto letawulandzela.



1.2.1 Khetsa tilwane letimbili letitfolakala kulesitfombe

- A Libhubesi, indlovu.
- B Lidvuba, indlulamitsi.
- C Imfene, ingwe.

(1)

1.2.2 Indzawo lapho kutfolakala khona letinyamatane ibitwa ngekutsini?

- A Sichiwi setinyamatane.
- B Lidolobha.
- C Kusemakhaya

(1)

1.2.3 Uma ubuka lesitfombe letilwane tentani?

- A Tidla tjani.
- B Titiphumulele
- C Tetfukile

(1)

1.2.4 Ummango ungasitakala ngani ngekuba nesichiwi?

- A Ngekuvuleka kwemafuba emsebenti.
- B Kungaba indzawo yekubhaca kwetigebengu.
- C Ngekucedvwa kwemanti tilwane.

(1)

1.2.5 Khetsa imphendvulo lekuKHOLOMU B, lehambisana nemagama lakuKHOLOMU A.

IKHOLOMU A	IKHOLOMU B
(a) Tilwane (b) Tichiwi	A Tingenisa umnotfo. B Bavakashi abahambeli etichiwini. C Tilwane tonkhe tibulala bantfu. D Tiyimvelo tiyatsandzeka.

(2)

1.2.6 Nguwuphi umsebenti longatfolakala etichiwini? (1)

1.2.7 Tibaluke ngani tilwane jikelele? (1)

1.2.8 Nguliphi lelitiko lekfanele linakekele tilwane? (1)

1.2.9 Indzebe yemhlaba ingawutfufukisa njani umnotfo walelive ngetichiwi lesinato eNingizimu Afrika. (1)

SAMBA SIGABA A: 30

SIGABA B: SIFINYETO

UMBUTO 2

Fundza letheksthi lelandzelako bese uayifinyeta ngemagama langabi ngaphasi kwalangema-50 aphindze angabi ngetulu kwalangema-60:

- Sifinyeto sakho asibe ngendlela yemaphuzu. Lamaphuzu akho abe ngemisho legcwele **lemumetse emaphuzu lasikhombisa lakhomba kutsi kubaluleke ngani kukhokhwa kwentsela.**
- Khombisa linani lemagama lowasebentisile ekugcineni kwemphendvulo yakho.

Live laseNingizimu Afrika linetifundza letiyimfica nebantfu labatigidzi letingema-48. INingizimu Afrika inotsile futsi inemagugu lagujwako lanjengemalahle, igolide, idayimane naletinye timbiwa. INingizimu Afrika njengalamanye emave, inetinselele netinkinga talo. Linyenti lebantfu alinayo imisebenti, bantfwana labanyenti abanabatali nebantfu labanyenti abanato tindlu. Kubalulekile kutsi uma usakhamuti selive lakini uyikhokhe intselo kute tidzingo tebantfu tenetiseke.

Ematiko lamanyenti ahulumende ayayidzinga imali kute aholele tisebenti imali. Litiko Letemfundvo liyayidzinga imali kute lakhe tikolo nekutsenga emabhuku naletinye tinsita. Litiko Letenhlalakahle lidzinga imali yekuholela labagugile, tintsandzane nalabakhubatekile. Litiko Letemphilo lidzinga imali yekwakha imitfolamphilo netibhedException. Litiko Letekuphepha Nekuvikela Umphakatsi lidzinga imali yekutsenga tikhali tekulwa nebugebengu.

Litiko Letemtsetfo Nemtsetfosisekelo lidzinga imali yekutsenga tinsita tekumelana netemtsetfo nebulungiswa. Litiko Letemwigwaco lona lidzinga imali yekwakha imigwaco lemisha kanye nekulungisa imigwaco leyonakele. Imali yentsela idzingwa nguhulumende kwakha nekulungisa umonakalo lodalwe timvula letinkhulu, umlilo nemimoya lenemandla. Uma kunesomiso nobe umonakalo lodalwe yimvelo hulumende uyasita ngetimali letiyintsela yesive. Hulumende uyakhona kutfutfukisa live ngekutsi asebtise imali yentsela.

INingizimu Afrika yatiwa njengelive lelitfutfukako ngenca yemali legcogcw ndzawonye bese isetjentiswa ngendlela lefanele. Emalunga ephalamende ahola yona lemali yentsela yesive. Kwakhiwa kwetakhiwo letinjengetinkhundla temidlalo kweyeme ekusetjentisweni kwemali yentsela. Imali yentsela kulabasebentako idvonswa emiholweni yabo ngekwetigaba temiholo yabo. Lenye imali yentsela itfolakala kubosomabhizinisi nakulabo labanetinkhampani. Labo labangakhiphi intselo banikwa sikhatsi. Labo bantfu labatfole imali ngaleminye imisebenti nabo kuyadzingeka kutsi babhadale intselo. Umuntfu lonelutsandvo nelive lakhe nalotsembekile kumele akhiphe imali yentsela ngekukhululeka.

SIGABA C: LUHLELO NEKUSETJENTISWA KWELULWIMI

UMBUTO 3

Fundza letheksthi Islandzelako bese uphendvula imibuto letawulandzela:

Inkhosi yemculo weRegeyi Lucky Dvube ubulewe eRosettenville ntsambama ngalesikhatsi ayoshiya umfana wakhe edladleni lamalume wakhe. Wadvutjulwa ngemvula yetinhlamvu. Lucky Dvube lobekaliRasta wafa embi kwendvodzana yakhe, phela emaRasta abhema insangu ngobe batsi lisiko labo futsi ikhaliphisa ingcondvo. Maye! sive sivelana nemndeni wakaDvube ngekushiywa indvodzana yabo lebeyidvume lebeyatiwa kangaka ngemculo wemaRasta. "Phela Lucky Dvube bekuyinkhomu lengahlabi muntfu" kusho Mzwakhe Mbali. Wevakala asatti "Bonkhe labente loku banganikwa ibheyili abafele ejele!" "Ngeletfu! Pho bebatifela ngemculo waLucky. Kwenanelu baculi belive batfukutsele bangafuni nekuyiva indzaba yekukhululwa kwabo. Labaculi bebwusekela umndeni wakaDvube ngaso sonkhe sikhatsi uma uya enkantolo. Bewubatfola ngaphandle batoyitoya bewungafunga utsi kubanjwe umhlangano wemacembu etepolitiki, vele Lucky Dvube tingoma takhe letinyenti betihambisana nemzabalazo. Lucky bekabapha indlebe bantfu labadzinga lusito.

Lucky Dvube wahambela emave lamanyenti ngemculo, bekaligabazi lekutalwa. Ushiye emhabeni umkakhe, bantfwabakhe labasikhombisa tihlobo nebangani. Ingabe kuyokwentekani ngelicembu lakhe.

HAMBA KAHLE DVUBA! LALA NGEKUTHULA NYAMATANE MZOMBA!

- 3.1 Kuletheksthi lengenhla, khokha ligama lelisiga senkhulumo utakhele ngalo umusho. (1)
- 3.2 Khokha ligama lelingumfakelwa kuletheksthi utakhele wakho umusho. (1)
- 3.3 Akha umusho locuketse ligama lelingumfutiselo weligama lelidvwetjelwe kuletheksthi lengenhla: 'Umndeni' (1)
- 3.4 Phindza ubhale lomusho kutsi esikhundleni seligama lelidvwetjelwe ufake umcondvofana walo.
Lucky Dvuba wabulawa ngalesikhatsi ayewushiya umfana wakhe edladleni. (1)
- 3.5 Bhala umusho locuketse imfundzisolite letsintsa imiva yalabanye kuletheksthi lengenhla. (1)
- 3.6 Ngabe uyavumelana yini nalenkhulumo yaMzwakhe Mbali lets "Bonkhe labente loku banganikwa ibheyili abafele ejele!" Nika sizatfu. (2)
- 3.7 Phindza ubhale lomusho Islandzelako, endzaweni yalamagama ladvwetjelwe ufake ligama linye kuphela.
Lucky Dvuba washiya umkakhe, nebantfwana bakhe. (1)

- 3.8 Pho ! bebatifela balandzeli bakhe ngemculo. Khetsa yinye imphendvulo.
- A Balandzeli bakhe bebahambela ekudzeni ngemculo wakhe.
B Bebewutsanza kakhulu umculo wakhe.
C Bebangawutsengi umculo wakhe. (1)
- 3.9 Phindza ubhale lomusho lolandzelako bese udvwebele ligama lelicuketse luvelomagama lolukhomba lusizi.
Maye! ngivelana nemndeni wakaDvuba. (1)
- 3.10 Lemisho lelandzelako icuketse tiphi tinongo tenkhulumo?
- 3.10.1 Pho! Balandzeli baLucky bayatifela ngemculo. (1)
- 3.10.2 Umndeni waLucky waba semantini. (1)
- 3.11 Endzaweni yeligama lelidvwetjelwe faka lenhlonipho.
EmaRasta abhema insangu (1)
- 3.12 Takhele imisho lemibili ngaleligama lelikubakaki kuvele imicondvo lemibili leyehlukene.
Lucky bekabapha indlebe bantfu labafuna lusito kuye. (2)
- 3.13 Bhala umcondvophika waleligama lelidvwetjelwe kulomusho longentasi.
Lucky wabulawa ngoLwesine entsambama. (1)
- 3.14 Dvwebela ligama lendzabuko kulomusho longentasi.
Lucky Dvube wahambela emave lamanyenti ngemculo, bekaligabazi lekutalwa. (1)

[17]

UMBUTO 4

Fundza letheksthi lelandzelako bese wenta umsebenti longentasi.

Umengameli JZ Zuma ukhombise kusekela Emabhokobhoko kulomdlalo wendzebe yemhlaba kusukela ucala kudlala lapha eNingizimu Afrika. Linyenti lebalandzeli bemabhokobhoko bebagcoka lijezi lalelicembu. Batali bebefundzi bebatsengela bantfvana babo lamajezi ngobe etikolweni kwamenyetelwa kutsi kugcokwe wona ngoLwesihlanu. Tinkapani tafaka ema-oda alamajezi, ba-odela tisebenti tabo. NgeMgcibelo bantfu bebakala sebatsi ingati yabo iluhlata klabo, ngobe Emabhokobhoko aphumelele. Ngelisontfo bantfu bavuka ekuseni bageze, bagcoké badle baye emicimbini. Labadlali bayatsandzana babuye bayavisana uma baceceshwa. Umsheseshi yena utfokotiswe lubumbano lolukhona kulelicembu lakhe. John Smith longu kapteni wemabhokobhoko bekadlala ahleka noma alimele naBrian Haban.

- 4.1 Bhala luhlobo lwetimphambosi leticuketfwe ngulemisho lelandzelako:
- 4.1.1 Labadlali bayatsandzana. (1)
 - 4.1.2 Badlali bayavisisa uma baceceshwa. (1)
 - 4.1.3 Batali batsengela bantfwababo emajezi. (1)
- 4.2 Cala lomusho ngeligama lelidvwetjelwe kulomusho longentasi.
Tinkapani tafaka ema-oda alamajezi. (2)
- 4.3 Khokha imisho lecuketse letindlela tesento letilandzelako:
- 4.3.1 Indlela leyamile. (1)
 - 4.3.2 Indlela yesimo. (1)
 - 4.3.3 Indlela lecondzile. (1)
- 4.4 Bhala umusho locuketse ligama lelipelwe kabi kuletheksthi, ulilungise bese uyalidvwebela. (2)
- 4.5 Lungisa lapho kuneliphutsa khona kulomusho lolandzelako:
Umengameli zuma waseNingizimu Afrika ukhombisa kusekela emabhobhoko. (1)
- 4.6 Khetsa ligama lelibolekiwe kuletheksthi lengenhla wakhe ngalo umusho libe yinhloko yemusho. (2)
- 4.7 Sebentisa lesento ‘dlala’ emshweni libe sibalulingco bese uyasidvwebela. (2)
- 4.8 Khokha sentakutsi lesitfolakala kuletheksthi usisebentise emshweni lotakhele wona. (1)

- 4.9 Letakhi letidvwetjelwe kulemisho lelandzelako timeleni kulamagama, kungaba bunye nobe bunyenti?
- 4.9.1 Batali bebafundzi batsengela bantfwababo lamajezi. (1)
- 4.9.2 Umceceshi yena utfokotiswa lubumbano. (1)
- 4.10 Sebentisa lesabito selucobo emshweni ‘yena’ lesitfolakala kuletheksthi. Takhele wakho umusho. (2)
- 4.11 Cala lomusho ngekutsi, Cha ... labadlali bayatsandzana babuye bayavisana uma baceceshwa. (1)
- 4.12 Bhala lomusho lolandzelako ube sesikhatsini lesitawufika. Emabhokobhoko aphumelela kulomdlalo wemboco. (1)
- 4.13 Khetsa ligama lelibolekiwe kuletheksthi lengenhla wakhe ngalo umusho wakho, libe ngumentiwa. (1)
[23]

SAMBA SIGABA C:	40
SAMBA SAKO KONKHE:	80